

王建詩目錄

汲古閣毛晉  
據宋本考較

卷一

送人●主人故亭●古從軍●邯鄲主人●泛  
水曲●江南雜體二首●遠征歸●思遠人●  
傷近者不見●元日早朝●聞故人自征戍回  
●七泉寺上方●從元太守夏讌西樓●酌栢  
侍御聞與韋處士同遊靈臺寺見寄●荆南贈  
別李肇著作轉韻詩●早發金堤驛●和裴相  
公道中贈別張相公●和錢舍人水植詩●題

壽安南館 ● 送張籍歸江東 ● 勵學 ● 山中寄  
及第故人 ● 求友 ● 寄李益少監兼送張實遊  
幽州 ● 寄崔列中丞 ● 喻時 ● 贈王侍御 ● 宋  
氏五女 具州宋處士若芬五女若華若昭若倫若憲若茵 ● 送于丹移  
家洛州 ● 留別舍弟 ● 壞屋 ● 送薛蔓應舉 ●  
將歸故山留別杜侍御 郎一作 ● 送韋處士老舅  
● 送同學故人 ● 幽州送申稷評事歸平盧 ●  
溫門山 ● 代故人新姬侍疾 ● 採桑 ● 曉思 ●  
早起 ● 酬張十八病中寄詩

卷二

涼州行 ● 寒食行 ● 促刺詞 ● 壠頭水 ● 北邙  
行 ● 溫泉宮行 ● 春詞 ● 遼東行 ● 塞上梅 ●  
戴勝詞 ● 鞦韆詞 ● 開池得古釵 ● 賽神曲 ●  
田家留客 ● 精衛詞 ● 老婦歎鏡 ● 望夫石 ●  
別鶴曲 ● 烏棲曲 ● 雉將雛 ● 白紵歌二首 ●  
短歌行 ● 飲馬長城窟 ● 烏夜啼 ● 簇蠶辭 ●  
渡遼水 ● 空城雀 ● 水運行 ● 當窗織 ● 失釵  
怨 ● 春燕詞 ● 主人故池 ● 古宮怨 ● 關山月

●贈離曲●宛轉詞●水夫謠●田家行●去  
婦●神樹詞●祝鵲●古謠●公無渡河●海  
神謠●行見月●七夕曲●兩頭纖纖●獨漉  
歌●寄遠曲●傷韋令孔雀詞●傷隣家鸚鵡  
詞●春來曲●春去曲●東征行●荆門行●  
鏡聽詞●行宮行●羽林行●射虎行●遠將  
歸●尋橦歌●宮中調笑詞四首●銅雀臺

卷三

送人遊塞●塞上逢故人●南中●汴路水驛

●淮南使迴留別竇侍御●汴路卽事●山居  
●醉後憶山中故人●送流人●貧居●過趙  
居士擬直草堂處所●新開望山處●題東華  
觀●飯僧●照鏡●歸昭應留別城中●荅寄  
芙蓉冠子●長安春遊●冬夜感懷●初到昭  
應呈同僚●縣丞廳卽事●閑居卽事●林居  
●原上新居十三首●送李評事使蜀●新修  
道居●贈洪哲師●題法雲禪院僧●贈溪翁  
●謝李續主簿●寒食●貽小尼師●惜歡●

山中惜花 ● 和武門下傷韋令孔雀 ● 題所賃宅牡丹花 ● 隱者居 ● 昭應宮舍

卷四

杜中丞書院新移小竹 ● 同于汝錫賞白牡丹 ● 送吳郎中赴忠州 ● 照鏡 ● 秋日送杜虔州

卷五

贈王樞密

一作中貴王樞密守澄宗姓也

● 早秋過龍武李將

軍書齋 ● 江陵卽事 ● 題花子贈渭州陳判官 ● 送從姪擬赴江陵少尹 ● 華清宮感舊 ● 九

仙公主舊莊 ● 郭家溪亭 ● 題金家竹溪 ● 題

應聖觀

觀卽李林甫舊宅

● 同于汝錫遊降聖觀 ● 逍

遙翁溪亭 ● 尋李山人不遇 ● 題石甕寺 ● 早

登西禪寺閣 ● 題江寺兼求藥子 ● 題詵法師

院 ● 酬于汝錫曉雪見寄 ● 從軍後寄山中友

人 ● 寄汴州令狐相公 ● 別李贊侍御 ● 和蔣

學士新授章服 ● 歲晚自感 ● 昭應官舍 ● 寄

舊山僧 ● 武陵春日 ● 寄分司張郎中 ● 上武

元衡相公 ● 上張弘靖相公 ● 上裴度舍人 ●

上杜元穎相公●贈盧汀諫議●賀楊巨源傅  
士拜虞部員外●贈郭將軍●贈田將軍●贈  
胡沚將軍●村居卽事●留別田尚書●送唐  
大夫寵節歸山●送司空神童●送振武張尚  
書●送吳諫議上饒州●贈閻少保●送魏州  
李相公●贈索暹將軍●贈王屋道士赴詔●  
贈王處士●洛中張籍新居●題裴處士碧虛  
溪居●送阿史那將軍安西迎舊使靈輓●贈  
崔禮駙馬●贈太清盧道士●送宮人入道●

上李吉甫相公●上李益庶子●題元郎中新  
宅●初授太府丞言懷●贈李愬僕射●書贈  
舊渾二曹長●上崔相公●寄楊十二秘書●  
謝田贊善見寄●晚秋病十●薛二十池亭●  
故梁國公主池亭●題柱國寺●昭應官舍書  
事●昭應李郎中見貽作次韻奉酬●閑說●  
自傷●田侍中宴席●寒食日看花●和少府  
崔卿微雪早朝●和胡將軍寓直●春日五門  
西望●長安早春●早春病中●上陽宮

卷六

寄杜侍御 ● 寄上韓愈侍郎 ● 贈華州鄭大夫 ● 寄賀田侍中東平功成 ● 送裴相公上太原

卷七

秋夜 ● 水精 ● 香印 ● 秋燈 ● 落葉 ● 園果 ● 野菊 ● 荒園 ● 南澗 ● 晚蝶 ● 田家 ● 新嫁娘 三首 ● 故行宮 ● 酬從姪再看詩本 ● 別自栽 小樹 ● 早發汾南 ● 宮中三臺二首 ● 江南臺 四首

卷八

御獵 ● 長門燭 ● 過綺岫宮

東都水寧縣西五里

● 朝天

子詞十首寄魏博士田侍中 ● 霓裳詞十首 ●

官前早春 ● 奉同曾郎中題石甕寺得嵌韻 ●

舊宮人 ● 贈人二首 ● 樓前 ● 寄劉蕢問疾 ●

聽雨 ● 新晴 ● 秋日後 ● 哭孟東野二首 ● 寄

蜀中薛濤校書 ● 路中上田尚書 ● 于主簿廳

看花 ● 江樓對面寄杜書記 ● 十五夜望月寄

杜郎中時會琴客 ● 觀蠻妓 ● 送顧非熊秀才

歸丹陽●老人歌●和元郎中從八月十二至  
十五夜翫月五首●對酒●曉望華清宮●贈  
李愬僕射二首●秋夜對雨寄石甕寺二秀才  
●華清宮前柳●別楊校書●和門下武相公  
春曉聞鶯●田侍郎歸鎮八首●寄廣文張博  
士●早春書情●唐昌觀玉蕊花●眼病寄同  
官●九日登叢臺●題酸棗縣蔡中郎碑●江  
陵使至汝州●十五夜望月●宮詞一百首  
王建詩目錄終

王建詩卷第一

汲古閣毛晉  
據宋本考較

三五  
送人

白日向西沒黃河復東流人生足著地寧免四方  
遊我行無返顧況子勿迴頭當須向前去何用起  
離憂但恐無廣路平地作山丘令我車與馬欲疾  
反停留蜀客多積貨邊人易封侯男兒戀家鄉歡  
樂爲仇讐丁寧相勸勉苦口幸無尤對面無相成  
不如豺虎儔彼遠不寄書此寒莫寄裘與君俱絕  
蹟兩念無因由

三六 主人故亭

主人昔專城城南起高亭貴與賓客遊工者夜不  
寧酒食宴圃人栽接望早成經年使家僮遠道求  
異英郡中暫閑暇遶樹引諸生開泉浴山籬爲愛  
山中聲世間事難保一旦各徂征死生不相及花  
落實方榮我未至此中守吏非本名重君昔爲主  
相與下馬行舊島日日摧池水不復清豈無後人  
賞所貴手自營澆酒向所思風起如有靈此去不  
重來重來傷我形

三七 古從軍

漢家

一作軍

逐單于日沒處河曲浮雲道旁起行子

車下宿槍城圍鼓角氍帳依山谷馬上懸壺漿刀  
頭分頰肉來時高堂上父母親結束迴面不見客  
風吹破衣服金瘡在肢節相與拔箭鏃聞道西涼  
州家家婦人哭

三八 邯鄲主人

遠客無主人夜投邯鄲市飛蛾繞殘燭半夜人醉  
起壚邊酒家女遺我緗綺被合成雙鳳花宛轉不



王建詩卷一  
相離縱令顏色改勿遣合歡異一念始爲難萬金  
誰足貴門前長安道去者如流水晨風群鳥翔徘徊  
別離此

三九

泛水曲

載酒入烟浦方舟泛綠波子釣我復飲子飲我還  
歌蓮深微路通峰曲幽氣多閱芳無留瞬弄桂不  
停柯水上秋日鮮西山碧峩峩茲歡良可貴誰復  
更來過

三十

江南雜體二首

江上風修修竹間湘水流日夜桂花落行人去悠  
悠復見離別處蟲聲陰雨秋

處處江草綠行人發瀟湘瀟湘迴雁多日夜思故  
鄉春夢不知數空山蘭蕙芳

三十一

遠征歸

萬里發遼陽處處問家鄉迴車不淹轍雨雪滿衣  
裳行見日月疾坐思道路長但令不征戍暗鏡生  
重光

三十二

思遠人

妾思常懸懸君行復綿綿征途向何處碧海與青天  
歲久天羈人自有念誰令長在邊少年若不歸蘭室如黃泉

三十三

傷近者不見

離人隔中庭幸不爲遠征雕梁下有壁聞語亦聞行  
天涯尚寄信此處不傳情君能竝照水形影自分明

三十四

元日早朝

大國禮樂備萬邦朝元正東方色未動冠劍門已

盈帝居在蓬萊肅肅鐘漏清將軍領羽林持戟巡  
宮城翠華皆宿陳雪仗羅天兵庭燎遠煌煌旗上  
日月明聖人龍火衣寢殿開璇扃龍樓橫紫烟宮  
女天中行六蕃陪位次衣服各異形舉頭看玉牌  
不識宮殿名左右雉扇開蹈舞分滿庭朝服帶金  
玉珊珊相觸聲泰階備雅樂九奏鸞鳳鳴徘徊慶  
雲中竿磬寒錚錚三公再獻壽上帝錫永貞天明  
告四方群后保太平

四

聞故人自征戍回

昔聞着征戍三年一還鄉今來不換兵須死在戰場  
念子無氣力徒學事戎行少年得生隨有同墮  
穹蒼自去報爾家再行上高堂爾父弟一作降廢櫪  
爾母縫新裳恍恍恐不真猶未苦承望每日空出  
城畏渴携壺漿安得縮地經忽使在我傍亦知遠  
行勞人悴馬玄黃慎莫多停留苦我居者腸

四二 七泉寺上方

長年好名山本性今得從迴看塵蹟遙稍見麋鹿  
蹤老僧雲中居石門青重重陰泉養成龜古壁飛

却龍掃石禮新經懸幡上高峰日夕猿鳥合覓食  
聽山鐘將火尋遠泉煮茶傍寒松晚隨收藥人便  
宿南澗中晨起衝露行濕花枝茸茸歸依向禪師  
願作香火翁

四三 從元太守夏讌西樓

六月辰亦熱卑居多煩昏五馬遊西域几杖隨朱  
輪西樓臨方塘嘉木當華軒鳧鷖滿中流有酒復  
盈樽山東地無山平視大一作海垠高風涼氣來  
灝景沉清源青衿儼坐傍禮容益存存顧一作為

顏氏徒歌詠夫子門

四

酌栢侍御聞與韋處士同遊靈臺寺見寄

西域傳中說靈臺屬雍州有泉皆聖蹟有石皆佛頭所出蒼荀香外國欲來求毒蛇護其下樵者不可偷古碑在雲巔備載置寺由魏家移下來後人始增修近與韋處士愛此山之幽各自具所須竹籠盛茶甌牽馬過危棧襍衣涉奔流草開平路盡林下大石稠過廊轉經峰忽見東西樓瀑布當寺門迸落衣裳秋石苔鋪紫花溪葉裁碧油松根載

殿高飄飄仙山浮縣中賢大夫一月前此遊賽神賀得雨豈暇多停留二十韻新詩遠寄尋山儔清泠玉澗泣冷切石磬愁君名高難閑餘身愚終休相將長無因從今生離憂

四五

荆南贈別李肇著作轉韻詩

輝天復耀地再爲歌詠始素傳學道徒清門有君子文澗瀉潺潺德峰來壘壘兩京二十年投食公卿一作卿相間封章旣不下故舊多慚顏賣馬市耕牛却歸湘浦山麥收蠶上簇衣食應豐足碧澗伴僧

禪秋山對雨宿且歡身體適幸免纓組束上宰鎮  
荊州敬重同歲遊歡逢通世友簡授畫戎籌遲遲  
就公食愴愴別野表主人開宴席禮數無形迹醉  
笑或顛吟發談皆損益臨甃理芳鮮升堂引賓客  
早歲慕嘉名遠思今始平孔門忝同轍潘館室幸諸  
甥自知再婚娶豈望爲親情欣欣還切切又二千  
里別楚筆防寄書蜀茶憂遠熱關山足重疊會合  
何時節莫歡各從軍且愁岐路分美人停玉指離  
瑟不中間爭向巴山夜猿聲滿碧雲

四六

早發金堤驛

蟲聲四野合月色滿城白家家閉戶眠行人發孤  
驛離家尚苦熱衣服惟輕綌時節忽復遷秋風輒  
經脉人睡落塹轍馬驚入蘆荻慰遠時問程驚昏  
忽搖策從軍豈云樂憂患長縈積唯願在貧家團  
圓過朝夕

四七

和裴相公道中贈別張相公

雲間雙鳳鳴一去一歸城鞍馬朝天色封章戀闕  
情日臨宮樹高烟蓋沙草平會當戎事息聯影遶

池行

四 和錢舍人水植詩

盆裏盛野水泉晚鮮幽池好初活草根浮重生荷葉  
小多時水馬出盡日蜻蜓遶朝早獨來看冷星沉  
碧曉

四九 題壽安南館

明發行閒亭天暖幽桂碧雲生四面山水接當階  
石濕堤浴鳥痕破苔臥鹿蹟不緣塵駕觸堪作商  
皓宅

四十 送張籍歸江東

清泉澣塵緇靈藥釋昏狂君詩發大雅正氣迴我  
腸復令五彩姿潔白歸天常昔歲同講道青襟在  
師傍出處兩相因如彼衣與裳行行成歸此一作計

離我適咸陽失意未還家馬蹄盡四方訪餘詠新  
文不倦道路長僮僕懷昔念亦如還故鄉相親惜  
晝夜寢息不異牀猶將在遠道忽忽起思量黃金  
未為壘無以挹酒漿所念俱貧賤安得相發揚迴  
車遠歸省舊宅江南廂歸鄉非得意但貴情義彰

五月天氣熱波濤毒於湯慎勿多飲酒藥膳願自強

四十一

勵學

買地不肥實其繁繫耕鑿良田少鋤理蘭焦香亦薄勿以聽者迷故使宮徵錯誰言三歲童還能分善惡孜孜日求益猶恐業未博況我性頑蒙復不勤修學有如朝暮食暫虧憂隕穫若使無六經賢愚何所託

四十二

山中寄及第故人

長長南山松短短北礪楊俱承日月照幸免斤斧傷去年與子別誠言暫還鄉如何棄我去天路忽騰驤誰謂有雙目識貌不識腸豈知心內乖着我薜蘿裳尋君向前事不歎今異翔徃徃空室中寤寐說珪璋十年居此溪松桂日蒼蒼自從無佳人山中不輝光盡棄所留藥亦焚舊草堂還君誓已書歸我學仙方既爲參與辰各願不相望始終名利途慎勿罹咎殃

四十三

求友

鑿形須明鏡療疾須良醫若無傍人見形疾安自  
知世路薄言行學成棄其師每懷一飯恩千重勸  
勉詞敦學既不誠朋友道日虧遂作名利交四海  
爭奔馳常慕正直人生死不相離苟能成我身甘  
與僮僕隨我言彼當信彼道我無疑針藥及病源  
以石投深池終朝舉善道敬愛當行之縱令誤所  
見亦貴本相規不求立名聲所貴去瑕疵一作各  
願貽子孫永爲後世資

四十四

寄李益少監兼送張實游幽州

大雅廢已久人倫失其常天若不生君誰復爲文  
網迷者得道路溺者遇舟航國風人已變山澤增  
輝光星辰有其位豈合離帝傍賢人旣遐征鳳鳥  
安來翔少小慕高名所念隔山岡集卷新紙封每  
讀常焚香古來誰自達取鑿有賢良未爲知音故  
徒恨名不彰諒無金石堅性命豈能長常恐一世  
中不上君子堂偉哉清河子少年志堅強篋中有  
素文千里求發揚自顧音韻乖無因合宮商幸君  
達精誠爲我求迴章



四十五

寄崔列中丞

火山無冷地濁流無清源人生在艱世何處避讒  
 言諸侯鎮九州天子開四門尚有忠義士不得申  
 其冤嘉木移遠植爲我當行軒君子居要途易失  
 主人恩我受古人道師君直且溫貪泉誓不飲邪  
 路誓不奔如何非岡坂故使車輪翻妓妾隨他人  
 家事幸獲存當時門前客默默空寬煩從今遇明  
 代善惡亦須論莫以曾見疑直道遂不敦

四十六

喻時

去者如弊帷來者如新衣鮮華非久長色落還棄  
 遺詎知行者天豈悟壯者衰區區未死聞一作迴  
 面相是非好聞苦不樂好視忽生疵乃明萬物情  
 皆逐人心移古今盡如此達士將何爲

四十七

贈王侍御

遇者昧邪正貴將平道行君子抱仁義不懼天地  
 傾三受主人辟方出咸陽城遲疑匪自崇將顯求  
 賢名自來掌軍書無不盡臣誠何必操白刃始致  
 海內平恭事四海人甚於敬公卿有惡如已辱聞

善如已榮或人居飢寒進退陳中情徹晏聽苦辛  
坐臥身不寧以心應所求盡家猶爲輕衣食有親  
疎但恐踰禮經我今願求並詎敢爲友生幸君揚  
素風永作來者程

四十八

宋氏五女

與州宋處士若芬五女若華若昭若倫若憲若茵

五女誓終養貞孝內自持兔絲自縈紆不上青松  
枝晨昏在親傍閑則讀書詩自得聖人心不因儒  
者知少年絕音華貴絕父母詞素釵垂兩髦短窄  
古時儀一作衣行成聞四方徵詔環珮隨同時入皇

宮聯影步玉墀鄉中尚其風重爲修茅茨聖朝有  
良史將此爲女師

四十九

送于丹移家洛州

憶昔門館前君當童子年今來見成長俱過述所  
傳詩禮不外學兄弟相攻研如彼販海翁豈種溪  
中田四方尚爾文獨我敬爾賢但愛金玉聲不貴  
金玉堅孤遺一室中寢食不相捐飽如腸胃同疾  
若膚體連耕一作居者求沃土漚者求深源彼邦君  
子居一作意一日可徂遷念此居處近各爲衣食牽

從今不見面猶勝異山川既乖歡會期鬱鬱兩難  
宣素琴苦無徽安得宮商全他皆緩別日我願促  
行軒送人莫長歌長歌離恨延羸馬不知去過門  
常盤旋會當為爾隣有地容一泉

四十一

留別舍弟

孤賤相長育未曾為遠遊誰不重歡愛晨昏闕珍  
羞出門念衣單草木當窮秋非疾有憂歎實為人  
子尤世情本難合對面隔山丘況復干戈地懦夫  
何所投與爾俱長成尚為溝壑憂豈非輕歲月少

小不勤修從今解思量勉力謀善猷但得成爾身  
衣食寧我求固合受此訓墮慢為身羞一作歲暮  
當歸來慎莫懷遠遊一作愁一作雙言

四十二

壞屋

官家有壞屋居者願離得苟或幸其遷回一作循  
任傾側若當君子住一日還修飾必使換榱楹先  
須木端直永令雀與鼠無處求棲息堅固傳後人  
從今勉勞力以茲喻臣下亦可成邦國雖曰愚者  
詞將來幸無惑

四十三

送薛蔓應舉

四海重貢獻珠賚稱至珍聖朝開禮闈所貴集嘉  
 賓若生在世間此路出常倫一士登甲科九族光  
 彩新憧憧車馬徒爭路長安塵萬目視高天昇者  
 得苦辛況子當少年丈人在咸秦出門見宮闕獻  
 賦待朱輪有賢大國豐無子一家貧男兒富邦家  
 豈為榮其身煌煌文明代俱幸生此辰自顧非國  
 風難以合聖人子去東堂上我歸南澗濱願君勤  
 作書與我山中隣

四十三

將歸故山留別杜侍御

一作郎

有川不得涉有路不得行沉沉百憂中一日如一  
 生錯來干諸侯石田廢春耕虎戟衛重門何因達  
 中誠日月俱照輝山川異陰晴如何百里間開目  
 不見明我今歸故山誓與草木并願君去丘坂長  
 使道路平

四十四

送韋處士老舅

憶昨癡小年不知有經籍常隨童子遊多向外家  
 劇偷花入隣里弄筆書墻壁照水學梳頭應門未

王建詩卷一  
穿幘人前賞文性梨果蒙不惜賦字詠新泉探題  
得幽石自從出關輔三十年作客風雨一飄飄親  
情多阻隔如何二千里塵土驅寒瘠良久陳苦辛  
從頭歎衰白既來今又去暫笑還成戚落日動征  
車春風卷離席雲臺觀西路華嶽祠前栢會得過  
帝鄉重尋舊行蹟

四二五

送同學故人

各爲四方人此地同事師業成有先後不得長相  
隨出林多道路緣岡復遶陂念君辛苦行令我形

體疲黃葉墮車前四散當此時亭上夜蕭索山風  
水離離

四二六

幽州送申稷評事歸平盧

行子繞天北山高塞復深升堂展客禮臨水濯纓  
襟驅馳戎地馬聚散林間禽一杯瀉東流各願無  
異心薊亭雖苦寒春夕勿重衾從軍任白頭莫賣  
故山岑

四二七

溫門山

早入溫門山群峰亂如戟崩崖欲相觸呀豁斷行

迹脫屐尋淺流定足畏欹石路盡十里溪地多千  
歲栢洞門晝陰黑深處惟石壁似見丹沙光亦聞  
鍾乳滴靈池出山底沸水衝地脉暖氣成濕烟濛  
濛窗中白隨僧入古寺便是雲外客月出天氣涼  
夜鍾山寂寂

四二六

代故人新姬侍疾

雙轂不迴轍子疾已在傍侍坐長搖扇迎醫慚下  
牀新施箱中幔未洗來時粧奉君纏綿意幸願莫  
相忘

四二九

採桑

鳥鳴桑葉間綠條復柔柔攀看去手近散作一作  
長長鈎黃花蓋野田白馬少年遊所念豈迴顧良  
人在高樓

四三〇

曉思

春條露霏霏曉氣生綠水林間棲鳥散遠念征人  
起幽花宿舍彩早蝶寒弄翅君行非晨風詎能從  
門至

四三一

早起

迴燈正衣裳出戶星未稀堂前候姑起環珮生晨  
輝暗池光羃屨密樹花葳蕤九城鐘漏絕遙聽直  
郎歸

四三十二

酬張十八病中寄詩

本性慵遠行綿綿病自生見君綢繆思慰我寂寞  
情風幌夜不掩秋燈照雨明彼愁此又憶一夕兩  
盈盈

王建詩卷第一

終